

Na temelju 1. člana 54. Pravilnika o organizaciji i radu Arbitražnog suda, Upravni odbor Vanjskotrgovinske / Spoljnotrgovinske komore Bosne i Hercegovine, na svojoj sjednici održanoj 02.10.2003. godine, te Odluke o izmjenama i dopunama na sjednici Upravnog odbora Vanjskotrgovinske / Spoljnotrgovinske komore Bosne i Hercegovine održanoj 16.08.2013.godine donosi

**ODLUKU
O UTVRĐIVANJU TARIFE TROŠKOVA ARBITRAŽE
(PREČIŠĆENI TEKST)**

Član 1.

Ovom odlukom određuje se visina troškova u postupcima pred Arbitražnim sudom pri Vanjskotrgovinskoj komori Bosne i Hercegovine (u daljem tekstu: Arbitražna).

Član 2.

Stranke koje učestvuju u postupku pred Arbitražom snose troškove postupka.

Tužilac je dužan da prilikom podnošenja tužbe, odnosno protivtužbe, uplati u korist Arbitraže iznos koji odredi predsjednik Arbitraže, u granicama utvrđenim ovom odlukom, a radi podmirenja troškova postupka. Ako tužilac, odnosno protivtužilac u roku od 15 dana po prijemu poziva ne uplati troškove, smatrat će se da je tužba, odnosno protivtužba povučena.

Tužilac je dužan da na poziv Arbitraže, prilikom podnošenja tužbe ili naknadno u toku postupka, uplatiti iznos koji je veći od predviđenog iznosa, odnosno iznosa utvrđenog ovom odlukom, ako se utvrdi da uplaćeni iznos neće biti dovoljan za podmirenje troškova postupka.

Odluku o plaćanju iznosa većeg od uplaćenog, odnosno utvrđenog ovom odlukom donosi predsjednik Arbitraže, na prijedlog arbitražnog vijeća, odnosno arbitra pojedinca.

Član 3.

Pored plaćanja naknade iz člana 2. stav 2. i 3. ove odluke, stranke su dužne posebno naknaditi Arbitražni troškove:

1. izvođenja dokaza,
2. vođenja stenografskih bilježaka, odnosno zapisnika o izvođenju dokaza,
3. prevođenje podnesaka, isprava ili usmene rasprave,
4. održavanja ročišta izvan sjedišta Arbitraže,
5. dolazak i boravak arbitara koje su izabrali a koji ne žive u mjestu sjedišta Arbitraže.

Član 4.

Troškove izvođenja dokaza dužna je naknaditi ona stranka koja ih je i predložila.

Ako izvođenje dokaza predlože obje stranke tada troškove izvođenja dokaza naknađuju obje stranke ravnopravno. Za pokriće izdataka prouzrokovanih procesnim radnjama koje je naredilo arbitražno vijeće, odnosno arbitar pojedinac po svojoj inicijativi, rješenjem vijeća, odnosno arbitra pojedinca, određuje se koja će stranka položiti potreban iznos.

Član 5.

Troškove vođenja stenografskih bilježaka, odnosno zapisnika o izvođenju dokaza snosi stranka koja je ih je predložila. Ako su izvođenje dokaza predložile obje stranke, ravnopravno snose troškove vođenja stenografskih bilježaka, odnosno zapisnika o izvođenju dokaza.

Ako je izvođenje dokaza predložilo arbitražno vijeće, odnosno arbitar pojedinac, rješenjem vijeća, odnosno arbitra pojedinca, određuje se koja će strana položiti potreban iznos.

Član 6.

Ako arbitražno vijeće, odnosno arbitar pojedinac, održi ročište van stalnog sjedišta Arbitraže, predsjednik Arbitraže određuje naknadni iznos iz kojeg će se pokriti troškovi održavanja ročišta.

Ako se ročište van stalnog sjedišta Arbitraže održi na prijedlog jedne od stranaka, naknadni iznos polaže stranka koja je prijedlog dala. Ako se ročište održi po zajedničkom sporazumu stranaka, svaka strana polaže polovinu naknadnog iznosa.

Član 7.

Stranka koja je izabrala arbitra koji nema prebivalište u sjedištu Arbitraže, dužna je Arbitražni naknaditi iznos potreban za pokriće njegovih putnih troškova, dnevnica kao i izgubljenog plaće tog arbitra.

Putni troškovi, smještaj i dnevnice arbitra iz stava 1. ovog člana utvrđuju se u skladu sa važećim Pravilnikom koji regulira ovu materiju, odnosno postojećim zakonskim propisima.

Član 8.

Stranka, odnosno stranke koje su dužne naknaditi posebne troškove iz ove odluke, dužne su na poziv sekretara Arbitraže položiti u korist Arbitraže predujam za podmirenje tih troškova.

Iznos naknade troškova i predujmova za podmirenje troškova plaćaju se u gotovom novcu na blagajni Vanjskotrgovinske komore Bosne i Hercegovine ili preko žiro-računa.

Član 9.

Prilikom podnošenja prijedloga za pokretanje postupka radi mirenja, osoba koja ga predlaže dužna je naknaditi troškove utvrđene ovom odlukom. Na utvrđivanje visine naknade radi posredovanja kao i svih drugih troškova koji mogu tim biti izazvani primjenjuju se odgovarajuće odredbe ove odluke.

Na prijedlog sekretara Arbitraže, predsjednik Arbitraže može odlučiti da se predlagaču posredovanja radi mirenja, vrati dio iznosa uplaćenog u skladu sa odredbama stava 1. ovog člana.

II

Tarifa

Član 10.

1. Za provođenje postupka mirenja i arbitražnog postupka pred Arbitražom plaća se, na ime administrativnih troškova:

- za vrijednost spora do 50.000,00 KM iznos od 800,00 KM
- za vrijednost spora preko 50.000,00 KM iznos od 60% honorara arbitra.

2. Arbitri imaju pravo na honorar prema slijedećoj tabeli:

Vrijednost predmeta spora (od - do) u KM		honorar arbitrima - iznos u KM -
Od - A	do - B	C
	50.000	800,00
50.000	100.000	2.000,00
100.000	200.000	5.000,00
200.000	500.000	7.000,00
500.000	1.000.000	11.000,00
1.000.000	2.000.000	14.000,00
2.000.000	na više	20.000,00

3. Honorar arbitrima podrazumjeva iznos koji se plaća arbitrima za njihov rad s tim da u slučaju kada odlučuje arbitražno vijeće iznos iz tabele pod tačkom 2. se množi brojem arbitara. Honorar predsjednika arbitraže i honorar arbitra pojedinca uvećava se za 20% u odnosu na iznos utvrđen za arbitra.

III

Ova odluka stupa na snagu i primjenjuje se od dana njenog usvajanja na sjednici Upravnog odbora.

Stupanjem na snagu ove Odluke stavlja se van snage Odluka broj VTK-897-6/03 od 02.10.2003. godine.

**VANJSKOTRGOVINSKA / SPOLJNOTRGOVINSKA
KOMORA BIH**

PREDSJEDNIK UPRAVNOG ODBORA

Mario Hrkać

Broj: VTK-2-1481-1-1/13

Datum: 16.08.2013. godine

